

亦有生齋集詩卷第十九

武進

趙懷玉

億孫

古今體詩

重光作噩

昔新正二日生一女是日綵服名之曰綵越四日而殤

四日竟成世前因孰遣來生真如露電死便委蒿萊難並殤

兄禮謂添空添病母哀時山妻新年情緒惡作達強銜杯

友人日周侍郎興岱招同人集春雲翰墨之軒

銷盡寒威又買春排來盛集跨庚辛增年漸不勝三雅詼日

剛宜會七人前度籠爐今脫帽諸公臺省我趨塵草堂別有

關心在種就梅花便乞身

亦有生齋集詩卷十九

穀日韓封君是升招集一經齋再用前韻

如弦月上坐生春特翦盤蔬繼五辛天放晴和為宜穀家傳

風雅儘誇人心清時有巖泉夢君自言衣潔曾無京洛塵記

取歲寒尋舊社得歸我亦便抽身

為伍堯侍講法式善題羅山人聘所畫西涯詩意

西涯既卜築復作卽景詩借問誰後身吾疑是賓之

昔披輞川圖今入兩峯畫觸手成煙雲一讀一稱快

年年其詩龕忽訪愚公谷何時就積水重浣塵十斛

吳編修裕德招飲接葉亭再用前韻

唐花香藹綺筵春導月亭開正挹辛君肯一生常好客我甘

萬事不如人新詩脫手蠶成繭舊夢回頭馬絕塵莫惜迴燈



重斟酌相看俱是就衰身

燕九日遊白雲觀

都人重燕九爭集白雲觀頻年役官事今始約遊伴朝來出
西郊士女已魚貫松杉半奇古院宇頗巍煥升堂謁長春祝
禮復興歎諫獵帝心回燒金國用贊卽此功足多活人况無
算始知神仙流亦復賴猷幹栖霞倘終老麋鹿同隱竄縱攝
一已生何裨世理亂

題吳上舍

尚錦 巴江送別圖

詩名籍籍意翩翩書劍從戎正少年應是聞猿鄉思動輕帆
初下內江船

巴渝舞裏譜新聲想見風流石曼卿

謂石太守韞玉

我獨愛君姿颯

亦有生齋集詩卷十九

二

爽蓮花幕下坐談兵

來往曾輕萬里遊又看楊柳度盧溝何時載酒橫塘去細雨

斜風共一舟

題曹中丞

錫寶 遺像

先生我父執于官爲後進杖履頻許追文章常默印自我失
恃歸契濶疎問訊忽聞鳳鳴高能令鼠膽震官階老雖滯風
節久彌峻終邀

異數膺褒卹顯忠蓋遺容卅年餘展卷可諦認獨立思何深
斯時尚青髻前型嗟宛在繼起喜重振飛霜舊畱簡籥雲今
有駿庶幾荷門基勗哉歌尙愼

寒食汪庶子

學金

招遊釣魚臺分得片字

冷節意不適獨酌興亦倦客來招我游天氣正清善西郊瞻
馬首東風拂人面天桃正著花弱柳剛垂纜忽聞聲潺潺水
東勢逾濺行厨載酒旨席地鬪茶便差喜畱旗亭殊嫌少僧
院金源跡已荒處士名猶擅亦知釣魚樂徒有臨淵羨客各
生遐心君與吳庶子錫
麒俱有歸志吾益爲俗戀螭展待同看故山青一
片

題崔孝廉加詩

一卷新詩得氣清五言中更有長城海濱自狎閒鷗鷺不與
鴛鴦浪鬪名

伍堯侍講法式善

夢登一山四面皆水松竹雜植猿鶴相

聞與余及吳庶子錫麒

談長生術於其間遂賦一詩覺

亦有生齋集詩卷十九

三

而錄示因和其韻

不須臨水與登山得解何妨日閉關白首終期仙可學青雲
幾見鳥能還舊時猿鶴勞相待老去風塵苦未閒莫道蓬萊
去人遠夢中有路敢辭艱

李舍人鼎元

歸自琉球

貽以布紙扇碗刀五物各系小詩

報之

舍人萬里歸貽我布三匹兩棉與一羅各具雪霜質亦有印
作花花名不能述開篋試裁衣海氣篋中出

球紙皆穀皮此獨繭所爲或云來日本大致同高麗榮稱錫
護壽永與文房宜慎勿汗惡札畱寫驚人詩

五華玉團扇不出中山宮民間行櫂子聚頭製特工黃塗金

燦爛青展雲溟濛使者一披拂中外揚仁風

木豆徧國中尊者用瓦缶惟茲瓊與盤形質朴而厚曾堆松
露菜更貯米汁酒每當享客時持之誇左右

袞刀二尺許剡短柄則長多君脫手贈使我氣激昂猶聞楚
氛惡兼苦蜀道長願將賅血洗再以七寶裝

送汪庶子

學金南歸

忽聞移疾返江干勇退如君信所難正好風時偏轉柁最多
魚處獨收竿端明春夢浮生悟魏國秋容晚節看此著暫教
輸養直年來我亦宦情闕

趙忠毅公鍊如意歌爲吳編修雲作

鍊如意何人製傳自前朝趙忠毅廉而不剝君子器鍊如意

亦有生齋集詩卷十九

四

何年成萬歷癸卯款識精是時公方屏田里海內其仰三君
名泰昌初元公再起數日拜官都御史彈冠衆正甫相慶側
目羣姦已爭毀縉紳禍忽逼清流垂老荷戈向代州全家死
亡外孫戍賜環猶苦身羈畱我握握君重歎息幾度摩挲幾
拂拭爾不能爲招遠之麾軍又不能爲太尉之擊賊唯有熱
血痕至今未曾蝕如公之意毫髮無紛紛造此何爲乎元金
一鈎入君手便勝七尺紅珊瑚我爲君作歌君爲我起舞碎
盞唾壺芒角吐快行胸臆亦偶然生不百年名萬古

將出都門述懷兼別同志

生年過五旬筮仕逾廿載十稔戀故巢宦情亦云怠飢驅仍
北來徒以有親在豈知二頃虛未卜一階改浮沉久西掖祿

也而實餒窮達信由命出處都貽悔乞養與讀書蹉跎兩需
待聊將毛義檄歸戲老萊綵行先省南陔再往觀東海

東海列望郡最古惟青州城郭百雉雄人煙萬戶稠自從唐
宋後坐鎮饒名流茲行忝邦佐仰止欽前修頗聞山水佳足
恣物外游又聞金石富可備遺文搜攬勝放琅琊乘興凌滄
洲苟於閒曹稱便作樂土投賦性本麋鹿任客呼馬牛親衰
吾亦倦敢計長淹留

述祖誦清芬遐哉澤五世半由民社興循卓後先繼

先駕部
先尚書

先都轉皆以
縣令起家自慚判六曹未嫻治諧治屣勉親簿書倉卒苦

嘗試古人重華資一行恥作吏臺省驕風塵文章陋政事倘
爲平情論中外亦何二飛英偶隨風飄茵等墮廁所憂令名

亦有生齋集詩卷十九

五

難冒羨致身易除官時有日登科歲有記雲煙倏過眼誰復
識姓字

出門遠骨月得友實性命唯此朋簪樂尤推京邑盛東髮事
壯遊撫塵交屢訂譚藝究得失對酒角負勝善則取以師過
必起而諍老宿旣夙期儕輩亦久敬何幸素心多竟當吾世
並匆匆別緒催款款同聲應作詩復作畫縞紵紛投贈用答
勞人歌冀垂知者聽

更番數花信綠陰已扶疎我行共春歸駕言命巾車念昔輕
去鄉今始還敝廬堆盤想朱櫻入饌思鱗魚上侍老親膳下
牽弱弟裾到官何必速擬及秋風初爲語日邊客勿忘櫻下
書去住各努力歲月慎棄餘請堅白首約終卜青山居

次韻

吳錫麒

利濟念蒼生榮名希千載懷抱豈不雄末路戒其怠仕
與學等耳中有不朽在高蓋擁秋荷忽忽西風改虛車
飾目前外強內先餒古人能鑒之乃免世途悔知君善
庖人久已游又待要葆清白心常畱未染綵隨時課農
桑吾慕龔渤海

君言束髮來足跡遍九州頗修結交廣不厭人事稠
首青雲端接踵皆名流所嗟身濩落文字無恙脩浮沉
在中禁徒與貧士游營炊朝衣典謀酒婦篋搜偶得司
馬官如在琵琶洲青衫揩暗淚忱慨袂欲投此去已老
馬此行如疲牛資斧苦不易欲發還淹畱

亦有生齋集詩卷十九

六

余生本單寒一瓊歷數世廿載長安居每憂食不繼幸
賴同心人并力硯田治欲求文章報徒沮經濟試願君
沈虛聲勿愧儒而吏撐拄萬卷書展拓吾輩事今昔勢
固殊其道良不二魚鹽涌腥波莫誤此身厠一琴與一
鶴料理亦容易倘念故人言尙望顏色記蓬萊鯉魚大
不滅三歲字

莫謂此官閒千里荷

朝命別筵排匝月祖餞況云盛如何秋水心思與白鷗
訂古來可傳人亦藉名位勝煌煌恭毅公封事稱敢諍
至今喬木存瞻者生愛敬但能祖德述何翅昔賢並清

門美文采

聖世鳳鳴應功名遲早間終驗佩刀贈待慶海沂康輿
歌吾敬聽

故人日以遠短髮日以疎歸心牽萬丈宛轉如縲車
茅待經營白雲望吾廬君挾東海波身猶等涸魚何怪
耕田夫意欲輕簪裾辟蘿若招人行當賦遂初習我治
生術當君活民書出處各有道慎勿求贏餘政成幸慰
我早來卜隣居

吳潤之

一代幾傳人求友量千載少年吐芒穎始奮半終怠眼
中朋漸稀屈指惟君在須眉秀松栢柯葉寒不改可憐
士無田乞外救貧餒先師箴千祿言行寡尤悔慎持席
珍軀別榻青雲待洪波滌魂詞珠貝錯金綵吾能審正
聲大風表東海

亦有生齋集詩卷十九

七

君家南蘭陵來往於蘇州讀書負神力氣懾稠人稠十
年直鳳池歲月如奔流才名震冠蓋豎豈無蹇修君顧
听然笑重閭天與游琳瑯列左右圖史紛雕搜時或狎
鷗鷺幽性愛汀洲驪龍抱珠睡珍秘羞閭投積資博五
品之官書汗牛一第難溷子掉頭寧復留

美官悅妻孥賢者志經世無論三代上兩漢宜可繼州
倅號端僚翊心贊上治赤紫古齊郡半刀俱小試李膺
暨陳蕃胥爲此邦吏杜密識康成藻鑑萬盛事循吏與
儒林胡然判爲二豎濡闇時務詭辱遭踞廁苟能達其

源精敏出平易矧君先世澤清白炳載記治譜紹前徽
勗哉勤撫字

行年過五十屢勉知天命齒髮幸未衰聲華忌太盛飛
騰詩酒場經史互商訂偉歟北江洪鐵膽萬夫勝上書

動聞闔披腹効廷諍

賜環放歸田輿僮起生敬蘇程舊中表物論兩相並譬
彼豐山鐘鯨鏗聲四應到家亟相見一語煩遙贈閉戶

多著書

天高垂清聽君與雅存爲中表昆弟少齊名

我材既冗散我性復迂疎踴壁臥禪榻厭聞流水車輿
慙竊微祿養拙承明廬一朝送君去如失同隊魚手持

亦有生齋集詩卷十九 八

繞朝策心羨萊子裾新銜紫泥濕裝卸梅黃初側聞翁
健飯能作蠅頭書鄉音聞兒女譁笑歡有餘登堂夙虛
願長跪問起居

李鼎元

鯨島促歸期及歸已一載心隨陽雁飛意逐代馬急逢
人問京華故交幾人在齊年聞注劍趙頭銜並日改也

知行路難不柰舉家餒高才困矮屋小就得無悔名山
信他年歲暮那能待富貴歸唐花色相皆翦綵去去勿

復言萬事石沉海

慨懷湖百代游神觀九州稻梁非不多雞鶩亦何稠元

鶴與真鴻各自清其流忍飢恥爭食也覺雲路修朝偕

王鳥飛暮逐安期游百怪通精神萬象入窮搜竟欲小
八埏豈但凌十洲茫茫塵網中舉足任所投君看幽谷
關紫氣來青牛不然東海上幼安且淹留

淹留復何爲人世如出世達哉白樂天風流定誰繼吾
聞民似水智有禹之治割雞用牛刀學道聊小試貧士
欲愛人莫若隱於吏先除刀筆心徐施惠義事文章與
經濟理一而實二幾輩稱通才到官乃濫廁知己時所
難盛名副不易珠須罔象求劍無刻舟記期月如有成
當寄簡元字

窮達固有時修短莫非命嗟予紫荆枝先折及春盛遺
文付君手死交十年訂語必求字安意惟擇理勝亦知

亦有生齋集詩卷十九

九

才可憐當念友原諍縱無五年長兄事敢忘敬况復文
陣豪驅駕莫齊並但得登高呼空谷自相應漫矜一字
師而吝百朋贈毀譽任流俗付之勿視聽

門第似君少世交有親疎文字成一家廿年困公車豈
不樂泉石無田且敝廬何能日飲水學彼河中魚貧女
欲謀食強顏飄輕裾誤落塵埃間誰復問厥初薄俗乏
情種罔用寫情書小人度君子剖腹敢畱餘他年如卜
鄰記訪李愿居

楊芳燦

自我別京華彈指廿餘載重來懷一刺造門意先怠試
數舊星辰落落幾人在登堂握君手各訝顏髻改拙宦

中外同無術免寒餒流光嗟晚觸處生吝悔譬如老
客歸華容不相待如何其娥媯明粧鬪腰綵我媿詣後
曹君愁佐東海

六雄兼十繫大郡推青州時平民物阜夾道桑麻稠司
馬雖閒曹古來多俊流權非半刺輕政要百廢修宦云
贊畫諾甚或誇宴遊判事偶休暇巖壑供真搜裁我琅
邪臺凭高望瀛洲雲濤入奇懷秀句囊中投官清惟對
鶴俗美無佩牛行當書上考驥足宦淹留

君家尚書公嶽立冠當世一門循卓行奕葉雲祚繼君
抱經世才學古期致治中禁久迴翔出守非輕試惠澤
撫民疇高風肅僚吏屢勉企前徽莫問升沉事聲名與
官職得失判然二如蘭漸澗醴如花墮茵厠誠知樹立
難敢羨飛騰易百首江州詩一卷柳州記餘力主風騷
結習在文字

明明燈燭光樽酒起相命束髮得交君英才一時盛豈
無嵇阮流慷慨交期訂君如山巨源正以識度勝天懷
葆冲粹無煩効規諍獲上而治民惟在持久敬努力宏
遠謨聲華古人並迷途馬能識叩石桐能應願將終身
寶用作臨岐贈三疊鼓清琴知君不失聽

羨君返故園榆柳青扶疎樂全老尊宿杜門久懸車喜
君捧檄還呼童掃庭廬華樽酌家釀雕盤進江魚膝上
置文度嬉笑時牽裾之官有期程鼓桂秋風初勞形慙

竿牘寄興仍琴書恬澹識君心裁足益求餘殷勤申後
約共卜名山居

洪飴孫

大雅久不作相思越千載斯人在天壤兀兀豈容怠俯
仰典籍中結契良有在憶昨方高吟忽報一階改浮官
逾十稔童僕怨寒餒升沈非所計出處宜有悔脂車更
秣馬早見僕夫待行將咏素絲歸先戲班綵橐筆陟岱
宗蒼茫望東海

環海富民物九點紛齊州遠登之罘山俯見人煙稠側
聞牧民吏今古多名流丈人今徂東益復光前修鋒車
多餘閑訪俗成良游樂石與吉金復可資冥搜憩棠將

亦有生齋集詩卷十九

七

作歌栽花或名洲司馬非枝官政貴得所投庶見獷悍
風賣劍更買牛欲治無近功請爲蒼生留

自從尙書來先德逮五世簪纓涉中外奕葉有良繼商
邱暨遷江遺愛垂所治操刀而烹鮮此豈可嘗試淵然
念清節不敢恥爲吏丈人今佐郡五馬溢民事文章與
政術此義本非二清門傳治譜魚鹿冒滄厠鳴琴聞海
上百族感平易嘉州與道州循良炳前記不見中興碑
至今畱姓字

夙昔仰襟懷交友等性命迴翔在臺閣冠蓋益稱盛舊
雨契木深同岑心屢訂傳樽互酬唱聯騎訪名勝神交
固忘形石友亦兼諍繾綣以言情箴規卽生敬風雅孰

主盟此會後難並幽人矢好音空谷聲四應連篇誌良
別彌月有投贈展卷一朗吟遐思發清聽

四月已初夏榆柳夾路疎祖道國門外歷碌催征車暫
揮京洛塵辭此承明廬江鄉當斯時入市富藕魚五日
競渡喧猶及聯襟裾知交半契闊最好晤面初歸途見
吾翁再拜附一書南望白雲深游子意有餘何時從勝
游長跪問起居

丁履端

世交逾百年心交逾廿載惟子與女交歷久云胡怠君
身固無恙吾舌幸尙在親承詩禮訓素風詎敢改道義
充厥躬其氣乃無餒吾性偏直疎中廷集尤悔君志最
高諒上珍期有待春風發奇葩真色非翦綵春水灌平
疇朝宗自趨海

亦有生齋集詩卷十九

七

聞君出西掖佐郡除青州何以乞外除湖亭秋錦稠一
官爲親屈五品非下流綽綽詩酒間內敏倫清修勉思
展驥足莫謂汗漫遊歡愉義同樂疾苦勤冥搜苟能康
海沂何事登瀛洲明珠照千乘光益非暗投高風溯琴
鶴皓月離斗牛抗懷希范富舍此當奚畱
親年登八旬康強樂

聖世定省縱多缺旨甘幸常繼幡然思循陔先把歸裝
治暮春出國門輕寒猶早試人能作孝子方許成良吏
竭力與致身皆吾性中事所患求仕急寸心偶歧二雖

紆金紫貴優孟恥濫廁泊養誠可欣得歸又非易此行
宜努力好著趨庭記讀易占女貞十年重乃字

我生最艱苦近甫能安命鬢容憐已衰腹疾愁轉盛琴
樽久荒擲強抱簿書訂破甑重苟完敢云以直勝茲來
如屈鈞有過先自諍反求不得直中夜起畏敬親民官
實難卓魯益易並君子平其政安在誇肆應十年交有
道深媿瓊瑤贈爨下有焦桐清音徹天聽

三月得一書訝君何我疎新詩五百字一字載五車獨

畱真面目相對如匡廬殷勤索和章尺素藏鯉魚帑幅君所

也吾儕重氣誼莫侈題簪裾願君守家學靖其慎厥初

庶幾一從事賢於十帑書託心履規祝辭色皆塵餘蒼

亦有生齋集詩卷十九

三

生望安石東山益久居

都門送行作

邵葆祺

手板匆匆去江南有老親鄉心千里近宦味甘年貧已

許分符貴仍看舞綵新薇郎除目換遙慰白頭人

卻喜官資雅銜益坐嘯餘齊州傳異釀魯殿覓殘書編

戶寬租後公堂簡訟初近聞防戍緩應免出征車

妙有滄洲趣三山儘臥遊潮痕空際滅天影幻中浮興

逸思飛棹吟酣定倚樓何當攜鐵笛同望海門秋

落落鬚眉古名場一第難偶教參天郡容易去長安醉

後婆娑影貧餘本分官家風青史在廉吏舊門闌

五世聯交早慚予弟子行迎門偏倒屣擊鉢更飛觴故

步追西掖微官奉北堂友子如問訊爲報不能狂家兄時知

淮縣事

綺砌翻紅藥將離贈一枝觚稜餘往夢廳壁待新詩海郡雲千葉河橋柳萬絲青衫多別淚相送日斜時

姚文田

壯歲忝竊官幸入清華省趨朝日始晨襪被漏方永追

隨得名流風雅夙所秉余始入薇省先生卽招同直齊梁意方駕韓

杜力馳騁文壇樹堅幟古籍理修緘休暇屢過從談笑

輒移景形迹久漸忘雄辯有時逞長安未易居囊粟苦

支領文史誇東方安得侏儒請廿年改一官驅馬入齊

境頗知聞曹聞謂勝冷官冷緊余夙昔親聞此心耿耿

亦有生齋集詩卷十九 古

宦迹隨風塵執測萍與稊何當繼前游良夜燭重炳

江左推高門循良有遺澤仕也非爲貧努力守清白仁

風扇海隅膏雨被春陌以此方寸心起彼溝渠瘠青州

實雄郡夏書記廣斥地利饒魚鹽土沃宜稻麥所憂民

風悍是乃司牧責經術可設施艱難仗規畫勿言枳棘

棲民物待滋液吾祖昔作宰亦此典繇劇尸祝在里閭

惠政流貞石越茲已百年人民幾更易煩公搜志乘爲

我訪遺蹟

先高祖爲昌樂令有惠政民私祠之後祀名宦

張問陶

老占才名第一流青衫人擬白江州乍辭綸閣猶簪筆

遙想神山定倚樓駟衍窮冥談大海曹參清靜相諸侯

堯封禹貢應如昔且爲鱸魚問錦秋

詩酒流連處處同男兒未信可憐蟲生來天骨威儀古
論到錢神意氣窮經世最難通雅俗憂貧莫更累清雄
家聲檢點賢良傳琴鶴蕭然是古風

浮沉中外海茫茫官爲陳情近故鄉冷宦何難畱晚節
清名容易慰高堂身無民社新詩好地接江湖舊夢長
五十頭顱堪吏隱飛騰休入少年場

臨岐相對感清門廉吏同畱五代孫勲業何年承世澤
文章無處答

君恩塵中幻境看雲影衣上閒愁驗酒痕惆悵東橋輕
話別一重楊柳一銷魂

亦有生齋集詩卷十九

圭

法式善

甘蔗海南植牛乳薊北產自然氣味投詎人所料揀獻
賦試上等君昔多白眼賤子蒙青睞春風託醴醖忽忽
二十年握手增愧赧偃蹇荒澗柳蕭疎雲不綰幸未失
舊業一燈事述撰屈宋作衙官亦復持手板

茹膏旣苦肥食骨復嫌硬君能渾剛柔交者久而敬詎
惟閱歷熟肫懇實天性官不論大小稟稟

朝廷命側聞恭毅公流風與善政凡事宗家法清光百
年映世方出新意花樣一時競造物深忌才慎勿名太
盛

昔年文成公愛君筆墨潔欲薦直樞庭忌者肆詆訐低

首試禮闈不肖通關節鋒芒雖屢挫心自堅金鐵陽春
大地回深澗無冰雪幽谷蘭芷花獨與桃李別快慰南
陔歡且自東州悅多謝金閨彥慎勿笑蹉跌

我自與君交始治散體文君力主雅正弗事搜典墳五
城十二樓何嘗輪奐紛真氣自結搆隔絕人間氛方謂
一瓣香可以時時薰忽然天風來吹君入青雲稷下舊
講堂至今期會勤廬陵暨眉山卓卓治行聞官閣松廚
開宿釀梅花醺脫稿倘相贈望遠情慇懃

馬履泰

曾賦長楊奏

漢廷廿年陳迹感薇廳文章不入新花樣官職偏居舊

亦有生齋集詩卷十九

夫

酒經分日交情招別燕上天難事出都亭裁牋爭和公
垂句移燭同臺玉局形本分得官無赫赫恒言諱老柰
星星縣雖遺譜仍加餽庶卽迎觥且守餅櫻笋最佳歸
里喫琵琶縱好隔舩聽三千年有遺碑赤九點煙唯此
郡青馬耳試憑詩遠眺牛山何用涕空零儻從歷下趨
公府定向湖邊躡釣舩名士例須登客渚故人題已徧
鴻汀我沉黃散憐卑冗意欲蒼茫看渤溟市上臺卿誰
復識夢中賓石詎無靈他時東道君爲主一笑相逢倒
綠醽

張雲璈

驪駒曉唱春明路薇省仙人赴官去赴官卻在東海頭

知是齋煙最深處先生奕葉名卿後甘泉奏賦相如手
廿年身在鳳皇池蘇買聲華喧衆口長安米貴不易居
朝官清味水不如一朝乞外佐大郡牙緋坐擁屏星輿
是時祖帳臨官道三月風光天氣好夾路風翻謝女綿
黏天雨潤王孫草行者手折楊柳枝送者口歌楊柳詞
柳辭歌出各有意請公滿酌黃金卮或言

朝廷重名牧謂公莫嫌作吏俗會看瀛部著康歌定見
熊轡撫符竹少卿終竟得高箱長史何容膺陋祿豈有
王融嘆乏騶旬教蘇則憐驅鹿或言公本清華人起家
甲族爲詞臣蓬山自許栖逸翮弱水豈可無翔鱗牙甯
口脂賜臘日銀泥御酒儲三辰玉堂花開移禁旭金鰲

亦有生齋集詩卷十九

七

背穩祛凡塵胡爲連歲懷羶棗頭銜乍改猶逡巡才華
突過裴士禮遭遇似輸張景仁我聞其言增堯爾公之
較量豈爭此文章自重官爵輕位不稱名焉足擬聲稱
早日滿天下姓氏常時挂喉齒縱令伏處向衡茅何損
當時清望美果使先生遽通顯反恐求全還得毀即今
庭闈正無恙一檄安陽殊可喜苟能如是願已酬人生
之樂更誰比吁嗟乎人生之樂更誰比羨公飛轡省親
還歸心先渡蒼湖水

立夏後二日伍堯侍講

法式善

招遊極樂諸寺飯萬泉莊

復過聖化寺小憩而歸卽次原韻

郊行西復西彌望山色秀新霽曠薄陰朝暉出未透良朋頗

契闊是日各奔湊花事盛精藍茶煙颺清晝聊追方外遊藉
洗胸次陋世網苦羈縻私心殊刺謬

侍講扶大雅所集皆名人哺啜亦風流周旋多率真且爲偷
聞客誰證不壞身驚心斗轉已瞥眼參與辰谷風飄習習池
水生粼粼韶華去未久傷別兼傷春

言訪丹稜沂車停似舟泊安得漁釣終盡解情愛縛聚談互
出奇有酒獨亦樂藤陰綠漸濃楸花紅不落名泉二十八一
一費疏鑿尙許遂重遊宜辭趁雙腳

聖化接萬泉清淨隔塵土天風颯然來雲黑勢欲雨長河波
浪闊絕絕嘯松杉舞已收臺池勝遂以原野補客懶或未從境
幽當遠取唯嫌文字習面壁愧初祖

亦有生齋集詩卷十九

大

杜大令

羣玉

入都以玉峯學舍餞春詩見示次韻題後

筵開櫻筍又經時想見江鄉是處宜重聚勞蹤塵似海仍依
禪榻髻添絲時君寓僧院干卿何事春來去於我如雲宦等差輸

與鄭虔官耐冷

謂呂廣文星垣

十年契闊費沉思

題葉進士

紹本詩後

堦鄉風月費評衡茗書詩人得氣清莫道文章憎命達才名
原不碍科名

兩重同譜

余與兩哲兄君與族弟任之先後齊年

十年思別太恩惠見太遲我

倦趨塵君發軔幾時翦燭更論詩

鄒虞部

文瑛

招飲藤花吟舍分得獨字

水部雅好客當春酒常漉每逢藤花開客至多不速去年花

事盛萬紫紛滿目今年花事寂一枝斜傍屋盛固競芬菲寂
亦媚幽獨主人興自豪招邀盡名宿神仙句曲來

謂茅學士元銘別

又幾寒燠持觴互傾倒拈韻戒重複既多文字緣亦饒飲食

福惜哉離緒催何時高會下一歸則舍人

四月十日徐祠部

昆

招游萬柳堂

良賦

少小遊京師卽聞萬柳堂蹉跎垂卅載欲往願未償今別春
明行作吏城北徐君真解事謂予此去赴益都平泉舊蹟宜
先至驅車同過廣渠門一奴長須攜榼尊垂楊幾樹老未化
傑閣數椽歸獨存當時裙屐俱超卓袂仿蘭亭飲河朔園林

已繼廉野雲書畫更同米海嶽金谷無端屬季倫

堂歸石氏

豈知

金谷亦荒榛燕泥落盡人煙冷螭淚銷殘佛火新生存華屋

亦有生齋集詩卷十九

九

誰能久但保榮名方不朽望奢空慕萬間厦別促聊傾一杯
酒酒闌遍涉堂東西陂陀小山清淺溪登臨自觸廢興感鈞
月漸上斜陽低蓬飛萍泛渾難測此會卻從無意得期君它
日守青州長共雲門醉秋色

五月初三日出都晚過盧溝作

山土其位極平泉會通

日暮盧溝畔驅車第一程得歸真不易久戀亦何成已判人
天夢猶牽去住情客心正孤迥况值月初生

五日雄縣既填得滿江紅一詞陳舍人

希哲

復成二律并

次其韻

是何濡滯始成行卻使天中在客程有酒應澆趙州土知君

先夢闔閭城空思放鴨酬佳節

吳俗五日放鴨水中人爭捉之寓競渡之意

誰辨

聞雞非惡聲，慚媿雄心銷。歇盡停鞭怕，問此那名。

勞人無計息，征車三徑將。荒二頃虛過，眼流光驚野馬。關心衰病感，河魚雲冥是幻。何加我，泉那能清。合問渠，難得此緣。申昔款重聯，晨夕卅年餘。

幔河旅次用壁間吳二階韻

黃塵兼暑抗白髮，逐愁飄宦境。茫無定離魂，黯已銷其登輪。捷足欲舞少，纖腰襍被驚。殘夢猶疑事早朝。

兗州道中二絕句

少陵東郡昔趨庭，我爲宦覲此復經。底事萊衣輕脫卻，十年依舊一衫青。

潑泗泗水抱城斜，雨後纖塵不上車。忽訝新紅出深綠，馬頭

亦有生齋集詩卷十九

三

低拂馬纓花

次韻答陳舍人希哲見贈

契闊頻年後，天教跡復親。那堪仍故我，大抵不如人。短髯重添雪，征衣未浣塵。隍中蕉鹿在，得失竟誰真。

晨星今盡散，舊事少人知。縞紵投原久，雲霄到亦遲。范張千里駕，蘇李五言詩。珍重前遊續，蓬窗翦燭時。

莫苦謀生拙，名山業可成。閒鷗無俗夢，雛鳳有清聲。我亦愁家累，因之擾宦情。倘容歸種秫，早視萬緣輕。

日暮塗猶遠，幾時身自由。難書令遮眼，種竹欲過頭。香探銅坑信，波看木瀆流。結鄰踐約散，髮共扁舟。

渡河

五兩懸同百丈牽篙工爭趁午風便天空鳥雀晴無影浪靜
龍鼉晝自眠忠信敢邀神宵鑒宜防要仗吏能賢青衫人向
黃河渡回首前塵又十年

過關行

三日過兩關一關一鎖鑰歸人思奮飛風利轉停泊長年畏
津吏攜貨私納錢羈客請放行豪奴日高猶倦眠關前挂帆
旦暮候關上開筵酒肉臭朝聞新使欲下車此時更急謀肥
家吁嗟乎司農歲入十之一餘者都歸若曹室利之所在繁
卽因但有治法無治人天下患豈唯關津

壬子入都自揚至淮所過多親故款洽今半凋喪矣感而
有作

亦有生齋集詩卷十九

三

淮流直下古邗溝冠蓋林泉憶舊游一樣笛聲明月影蕭條
不似往年秋

到家

到家誰最樂第一老親安弟姪爭牽袂朋簪各具餐已拌三
月住聊補十年歡別有劬勞感焚黃欲讀難

六月八日吳廣文

振鏞

招飲卽事

征塵纔息後便得荷嘉招握手情先洽開筵暑已銷釀參南
北味子飲詩雜短長謠雅令更番起宜辭燭屢燒

再世聯交誼相於在紀羣

鄭甫文垣

經還傳舊業才足張吾

軍衡宇居如接晨昏訪合勤此歸畱尙久好其細論文

哭張昌

我妻君祖姑戚誼已三世念昔入春明相依凡五歲朝昏其
纒綵寒暑屢更替高譚每開襟同出或連轡居然形骸忘不
以輩行計前年始得官嶺海苦迢遞頗行有贈言曾勸酒剛
制破產始攜家憂貧累非細豈知予昨歸爾赴已先至浮生
本幻泡斯人太浮脆堂前有衰親仰事屬於弟熒熒嬾與女
一脉竟誰繼因賦新大招彌哀昔永逝此境亦云窮天道洵
難說

七月十二日集沈廣文

元輅齋中

風來天末雨如絲涼意今朝入酒卮看到蓼花疑在水聽殘
竹瀟似催詩七賢觴詠吾真忝十笏琴書君自宜且喜敞廬
真尺咫醉人歸去謝扶持

亦有生齋集詩卷十九

三

附和作

半榻茶煙颺鬢絲佳賓接座酒盈卮綠陰搖曳敲窗竹
白雪玲瓏落紙詩南阮雙眸能洞照東坡滿腹不時宜
倚樓長笛翻新調一片冰心好自持

汪氏雙節詩

吾聞汪苴遠

禪祖

今之古循吏當官所設施累紙不能記及

讀述德文始知來有自父以行誼聞母以孝節示當父歿嶺
南家乏立錫地卓哉兩孺人龜勉矢大義入承君姑歡出禦
外侮至孤兒方纔郝教養抑何摯悉由十指供常念六尺寄
兒勤母解頤兒情母垂淚星霜看遞更冰蘖嘗已備兒分得
成立母也幾勞瘁視彼殉身命畢竟孰難易同邀綽楔樹復

荷
絲綸賁母德藉云酬子願庶幾遂豈知孤兒心至老猶不置
苟能廣闡揚罔惜遠羅致傳人萃一門蕪筆窮五字持此挽
澆風于焉有深冀

七月十八日訪龔先生

顯祖

於震亨堂爲題張

洽

丹楓翠

竹障子

雙楓老而丹叢竹秀而翠楓丹如顏舵竹翠比玉粹屠維之
冬月上旬先生五十覽揆辰玉川張叟工繪事作此介壽誇
同人流光彈指逾廿載楓竹精神較前倍我來重過震亨堂
素壁高懸此圖在先生鶴髮身康彊偕老鴻案猶相莊孫曾
後起卜餘慶眼前蘭樹都芬芳殺雞爲黍咄嗟具更出新醅

亦有生齋集詩卷十九

三

滿杯注絳帷小別今十年師弟情深欣道故先生經歲未入
城種花獨得花性情春色不如秋色好秋色能與風霜爭京
塵久滯吾游倦親老敢爲升斗戀願攜鴉嘴隨灌畦十畝之
間當一面展圖講爲先生吟有酒莫辭日夕斟歲寒尚擬結
鄰住楓竹還應鑒此心

題方大

薰

所畫慈竹居圖爲朱孝廉

爲弼

千个琅玕綠繞門課兒纔罷課諸孫傷情別有蠶叢路染盡
湘江無限痕

容易高秋一鷗飛遠游心事總依依那知日薄西山後不待
南宮下第歸

渲染煙雲墨尙鮮寫圖人已隔重泉念念展向秋風看抵讀

陳情表一篇

金氏園林雜詠 并序

金少權以後圃五景屬方蘭士寫之便面並作詩文紀
之今來桐鄉兩君皆已殂謝少權子承蔭出以索題遂

各系斷句志人琴之感焉

空亭傍東郭想見昔登臨遺墨雙懸處重來慘客心亭梅為蘭士書

柱帖為少權書 蓋管亭

硬黃日在手摹拓多妙迹金石以人傳人壽非金石響擗廊

金帶真如夢將離作永離藥欄猶在目乘興竟無期芍藥

生計託灌園在山泉自好方羨晚節香西風何太早釀花泉

老友凋零盡唯餘鮑叔畱夕陽西下易我願挽東流延淶軒為鮑淶

亦有生齋集詩卷十九

詩

飲作也

為陳舍人希哲題目存和尙重臺桂卷

麥以兩岐聞芝以三秀數肖翹苟稱瑞所生必佳土峩峩太

邱門實為德星聚庭桂半榮枯中忽靈氣鼓有花作重臺四

出而成五目存今巨然筆可造化補寫生信神妙詠物遂觀

縷開卷卽親訟卷首題者為張天農先生德純余妻張宜人之祖也餘幅遍簪組果然

挺孫枝科名爭接武杏自倚雲栽藥看當階舞此圖七十年

陳迹空仰俯舍人謹什襲述德不忘祖既同范硯珍將與魏

笏伍我來重披展但覺墨香古

子 張

校字

姪學彭

亦有生齋集詩卷第十九

亦有生齋集詩卷第二十

武進 趙懷玉 億孫

古今體詩

重光作噩

虎邱雜詩

十年小別古長洲，蕩槳重來過虎邱。同是畫樓能得月前番。

七夕此中秋

仰蘇懷杜緬遺型，勝地名流蹟屢經。畢竟仗他賢刺史，寓公

前後有居停

新建白香山祠並設少陵東坡像

鉛華不御韻天成，婪尾春光自有情。記向畫圖曾省識，憶孃

應許證三生

亦有生齋集詩卷二十

皓齒明眸冰雪肌，乍涼天氣病支持。流蘇斜委窗紗掩不見，

傾城一笑時

碧玉盈盈未破瓜，山塘東去是兒家。只愁綠葉成陰易，十斛

明珠何處賒

風流太守說方干

林

無數名花日飽看，儘有詩人王百穀

隰

不知誰是馬湘蘭

火樹銀花照水明，笙歌徹夜鬪新聲。東船西舫須臾散，畱得

星橋兩道橫

萬籟無聲月影孤，清幽境忽與常殊。遊人總爲遊山到，能識

真山面目無

史三

次星

六月初度畫戴笠小像索詩

憶君少壯時其志銳無匹交君四十載彈指如昨日同輩多
飛騰君忽堅不出君今杖於鄉康彊更逢吉示我戴笠圖老
氣猶橫溢天形亦笠耳六合邇在室豈無乘車人彼僅有其
一何如君樂真閒吟長抱和學佛兼學仙讀書亦讀律牆下
僅樹桑田閒可畊秫儒者貴治生是理吾深悉自從滯京華
荏苒歷庚癸二頃全屬人一階初改秩昨非今未是所得不
償失何年結比鄰請習計然術或偕遊江湖或共事著述

題吳漁山畫

墨井由來潑墨工偶然寫出雨冥濛南宮神理房山韻收拾
都歸尺幅中

寄曾都轉

煥

亦有生齋集詩卷二十

二

峩峩古洪州靈氣實苞結江湖互襟帶人物起更迭就吾所
親見請試貢其說南昌胸有竹鑪錘工自設鉛山舌生蓮造
化祕幾泄我今拈瓣香重爲南豐蕪君政扇春風君心盟素
雪君學淵淳泓君詞波曲折持節久淮揚載道盡愉悅文章
本餘事已足俯一切

東南名士藪大力隻手提帚屐所輻輳往往在竹西二疋百
有八一一歸品題題襟築高館直令翹材低詩成紙先貴客
至糧不齎飢恆推以食寒或加之綈驥足儘容攀龍門信懸
梯歐陽本邦人汲引名與齊古今豈相遠儒者兼居稽

同譜二十年蹤蹟每相差去聲憶昔歲閱逢識君錫山座歲甲辰晤

君於稽文方君翔禁近我久田間臥泊我再入都適君理鹽

帝用簡爲佐民瞻福星照土仰大鈞播所嫌奚生嬾未作寸箋賀昨歸江干泊重枉高軒過往來交臂相思積無那會當拜東野一遣離愁破

良覲緣雖怪好句誦已久音和追四始篋富逾千首關心在軍國頗以稷契負偶綴駢儷成卽驚徐庾走慚予弄鉛槧入室迷戶牖今者親簿書結習依然狃才逢大匠誨敢惜寸莛扣掉鞅看登壇執鞭願隨後

畿輔忽淫潦河決成災屯屢

詔勤撫綏

聖人重憂民吾儕無遠慮八口羈京塵長安居旣難況值珠

亦有生齋集詩卷二十

三

桂辰歸省亦草草長跪辭衰親隔越十暑寒侍纔幾昏晨南北兩縈系獨行東海濱羨君奉板輿逢吉康其身頗聞紆組綬曾不忘鱸尊又聞愛吳下特寫江南春

君有青支山下卜居圖

余亦

思卜居何時許結鄰

將遊京口城南諸寺爲雨所阻

屢夢南山路初停江上橈如何履一繡又阻雨中宵事每逢天忌遊須仗福消風塵非久計猿鶴待相招

贈同年馮教授

錫宸

十年輕一別兩月忽重逢絡繹繙新詠蒼茫指去蹤

將遊南不果

詩人例多病散吏性仍慵有約吟招隱同棲江上峯

次韻酬王太守

文治

贈行之作時太守病初起

年華過眼等湍流風雨重經古潤州毛義爲親聊捧檄維摩
示疾正逢秋每來飽看東籬菊戊申秋訪君時鞠亦正盛何日同登北固
樓曲罷酒闌催夜發嚴城燈火幾回頭

登高昇寺塔

茱萸灣口泊輕舸獨上浮圖意自豪過得重陽剛一九恰宜
此日補登高

秋氣蕭蕭木葉紛江南江北望中分只愁雨後模餽景不辨
遙飛親舍雲

放生池訪練塘上人

練塘名達瑛能詩

爲愛招提僻沿緣冒雨尋屐衝泥滑滑徑指竹深深偶息勞
人影因參靜者心一編禪月集珍重幾回吟

亦有生齋集詩卷二十

四

別舍弟

珠玉

半月扁舟送如何又說歸誤人羈簿領仗汝侍庭闈秋老柳
難折江空雁各飛此行無久戀待整釣魚磯

繆兵部

炳泰

爲予寫真賦此志謝

自信虞翻骨相屯鬚頻添雪鬢添銀多君寫遍雲臺像貌到
風塵末路人

高郵道中喜晤吳祭酒

錫麒

時祭酒以乞養歸里

扁舟邂逅慰離羣
社湖邊正夕曛
便把萊衣當初服
卻收霖雨作歸雲
身辭宦海仍耽酒
君初止飲近量復勝
心有名山好定文
我逐風塵拋子舍
平生事事不如君

過淮傷管漕帥

幹珍

二管平生契

謂侍御世銘

君曾此建牙心真能許

國計惜後還家記訂初成集難尋舊種花棠陰重過處傷近

一長嗟

酌酒

酌酒淮陰夜客心愁未央城低翻恃岸月白欲欺霜報尚干

金負親宜一日忘願因東下水流夢到江鄉

不寐

不寐待明發驅車戒早行月遲初上影冰薄略聞聲入世虛

全策思親勉令名計程山左近明日是郟城

和棟鄂漕帥

鐵保

天津道中寫懷四首

舞盡商羊北海頭遂教畿輔徧洪流通衢忽起千層浪高樹

亦有生齋集詩卷二

五

爭牽萬斛舟災甚富民皆瘠戶涼多盛暑作去聲深秋知公櫛

沐承

宵旰德意行如速置郵

禹疏遺蹟猶堪迎要地曾推析木津撫字心勞付置吏宣防

責重恃河臣幾疑轉粟來天上太息耕田問水濱讀到十行

哀痛

詔一時下淚感塗人

楊柳難青草易秋直沽大小望中收已嘗辛苦偏撻疾飽歷

驚危且泛舟遣典官將吟嘯廢觀空早悟地天浮篷窗坐對

常多暇經濟還為借箸籌

輸挽連檣計廣儲先畱正賦補荒餘人忘駮家同披纊

帝起瘡痍似吮疽成竹在胸堪報

國纓桐有尾每憐余要知利涉憑忠信風送歸艘任疾徐

琅邪

琅邪古名都傳聞產諸葛地屬魏山河其人不能奪

琅邪徙南陽襄陽乃尺咫伏龍與鳳雛相去二十里

蒙陰遇雨

晴久雨亦得彌望皆空濛沙鳴泉號號山出雲蓬蓬畫入大
小米樹有東南風驅馬塵不生披裘意自融借問軒冕客何
似簞笠翁簞笠煙水外軒冕泥途中

羊叔子祠

下馬羊流驛來瞻太傅祠不貪天子氣要繫後人思世德松

亦有生齋集詩卷二下

六

椒保儒風裘帶宜所嫌災片石過客漫題詩

祠中題刻
多惡札

爲蔣贊府

因培

題蘿莊

就荒三徑欲歸難卜築聊營十笏安但得板輿行樂地汶陽
便抵尙湖看

小有狂名大有才如君真不負丞哉那知一別春明後都逐
風塵向此來

升斗空言祿抹貧折腰應各爲衰親何當茅屋歸重補莫遣
煙蘿終笑人

潭西精舍

舊說潭西好今眞愜勝情映階多竹色繞屋是泉聲僧正逢

行脚人誰解濯纓故交方萬里精舍創於桂大
令頽時官瀨中捫蘿讀題名

題吳二階花下勸酒圖

蛟門三好久流傳君不陳書更灑然杯可銷愁鄉可老誤人
辛苦是殘編

遲時亦有尋芳興自笑年來病未能輸與英雄消遣法信陵
後又屬延陵

釣突泉歌

河源天上來沈源地中行綿延起伏幾千里乃至歷下西南
城忽然迸三穴同作鏗鉤聲迅如輪從空際轉喧若雷向晴
天鳴噴疑窖雪任飛灑蛟奪潭月生光晶得非蛰龍出或者
潛蛟爭詩歌感沸傳稱涌日驗始信靈奇呈方冬潦盡百川
涸此獨終古科常盈我來坐久不忍去毛髮俱冷心神清濟

亦有生齋集詩卷二

七

南之泉七十二已歎觀止餘平平湍乎湍乎每以激而著無
怪古來烈士因激成其名

珍珠泉

趵突奇在怒珍珠妙於靜方塘鑑常啓圓折靈潛孕十斛源
源來百琲徐徐迸中疑蚌胎匿誰索鮫客贈海月夜妒明晶
盤曉愛定細沫愜澄觀微跳耐清聽所嫌傍節樓閉置在幽
簷譬如絕世姿空谷長待聘幸我緣未慳名泉迭探勝曾探
驪龍領不復羨照乘

十一月廿八日大雪自濟南發至王舍莊宿

我來歷城下忽忽已經月趨塵效迎送束帶事請謁平生好
疎嬾老轉疲筋骨昨幸辭上官驅車傍晚發乃逢雪交加直

使路沈沒朗如行玉山險若墮月蟠林巒迷遠近僕從苦顛
蹶冥行至三更始投郵店歇濁醪勝醍醐微火燒楫柚白憐
勞人命終歲常卒卒富貴既渺茫心精徒耗竭攬枕不成寐
窗明映華髮

長山道中

林端餘雪散繽紛萬頃茫然路不分朔氣有稜欺瘦骨晨曦
無力透重雲已占螟螣銷餘孽但祝鯨鯢息遠氛一片荒山
茅店少郵醪何處覓微醺

大雪徧野爾望無際有斷石林立雪中如葉葉布帆吹之
欲動雖工於畫者不能寫也

雪餘極目儼江湖斷石森如十幅蒲借問稽山與湘水張帆
得似此間無

亦有生齋集詩卷二十

八

歲暮雜詩

跋涉更三序窮冬始下車官真如嚼蠟食欲歎無魚

青州無蝦魚亦

僅有好嬾難辭客投閒可廢書翻思都下樂文譏幾曾虛

廨舍同蕭寺牆傾逕亦荒略教營土木先遭列練緇安審人
容膝貧疑病在膏此間聊避債卒歲好徜徉

南榮欣對日快雪得時晴雀慣穿窗入雞常隔院鳴撥爐知
氣暖掃地覺心清但恨宵來柝還鄉夢不成

弱弟書遙寄牂將家事論親猶能健飯姪可替持門舊種梅
應放新篘酒正温輸它草堂裏戲綵奉晨昏

居已非容易災荒那可支葛裘聞曲盡風雪訝來遲兒魯偏

慵讀妻孥每卻醫關山頻北望千里費相思
春明春最好別後尙依依得地原殊俗知音況未稀身今成
鷄退蹟已阻雄飛前事師京兆明年待拂衣

元默闍茂

歲朝迎春卽事

迎春海宴門東去夾道欣看童叟多雪剝隔年占歲稔晴開
上日驗時和羞將綵勝隨人戴且聽青陽循例歌慚愧條風
厚秋士殷勤吹向鬢絲皤

新年遣興

蹋鞠投瓊百不能過從又復少親朋捲簾但有山光到近市
曾無海錯登日永漸添攤飯夢心閒直傲出家僧新官況味

亦有生齋集詩卷下

九

新年景寄語鄉園亦足矜

雪後遊佳山堂

名園傳故相雪後一停車柏盡千尋上山多九勿餘已無人
載酒尙有室藏書易齋相國藏書極多今皆散佚坐久東風急春寒欲襲裾

燕九日同唐

象三徐要

蘭若

三大令張廣文

賓雁

王贊

府會圖遊法慶寺

我從臘月來青州卒卒未暇成清遊新年政簡風日好燕九
況侈長春邱同人於郊出聯轡招提先作斯須畱蒼官青士
夾左右小徑往往能通幽一株絳雪尤罕絕

詩有紅梅

結蕊累累

紛枝頭嗟峩傑閣賈勇上山色遠向西南收旃檀萬匣貯貝
葉雖入佛海愁無舟張君好古嗜貞石斷碣助我窮研搜祇

嫌僧俗玷名利不解文字忘薰修十笏室供一餉坐半日閒
向浮生偷去年曾記白雲觀車馬雜迷都人稠那知舊侶忽
星散眼前盡換新朋儔風塵蹤蹟苦難定作宦直似蓬漂流
人生適意便爲貴今我不樂將何求

范公井亭

危亭四角樹蔥蘢爲訪名泉拜范公聖自有清曾獨契

公有手書

伯夷頌井能爲養本無窮富歐異代祠常竝憂樂何人志與同

好把良醫補遺憾一泓又奪上池功

居人瘵疾多以井泉合藥

馬驛門

登高及上春燕九作重九言尋馬驛門相與陟岡阜古廟斷
香火崇軒闢窗牖天風颯颯來山勢蜿蜒走頗欣瞻眺暢復
慨陵谷久寄奴一世雄長駕恣擊拊想當設官時大費築城
手南燕已難問東陽亦何有落日催歸人蒼茫重回首

王文簡公墓

今代論風雅如君是一宗才人皆拂拭詩格獨春容曠典名
終易孤墳碣尙崇東鄰秋谷近底事著譚龍

爲邱太守

德生

題其尊人寒香課子圖

莫謂桃李豔不如梅耐寒莫羨黃金積不知經可傳衰門薄
祚須勤讀兒有課兮翁自督蟾光欲沒參影橫猶見殘燈耿
書屋居然盛事齊郊祁嘖嘖人道科名稀那知翁已不及見
桂枝雖好梅枝非無端雙鸚成孤雁孝友心傷淚如霰脊令
頌與蓼莪詩併入丹青寫生面君今中外兼敷歷入踐清班

出循績人生唯有不朽難不朽方能酬罔極生綃尺幅什襲
藏展卷拂拂飄寒香沉吟我亦思先德曾撫西湖舊種棠

先尚

書先都轉
皆官浙中

題莊贊府 松陰據却行看子

翰曾香晚節松亦悅本性入官寫蒼官想見意先定男兒窮
達任所遭不能抱却須折腰日哦松下卽千古丞哉亦足以
自豪相期長保歲寒質終有知者貴後彫才高每爲造物忌
憂病憂貧有成例南華本是君家書好守養生第一義

鐵公祠

燕師破竹勢紛紛賴有尙書策戰勳鐵板真同副車擊金陵
終使故宮焚全家骨肉悲投竄千載湖山薦苾芬我欲更添

亦有生齋集詩卷二十

十一

新組豆廟堂配食朱參軍

同年劉學使

鳳詒

招泛大明湖歸飲四照樓卽事

明湖數十頃占斷城之西使者建節樓恰俯明湖隄方春念
舊雨折柬相招攜酒盛赤琥珀漿割青頗黎遊還屏兼從靜
不驚鳧鷖雨餘杏舒萼風過楊生梯祠畱蓋臣蹟亭感詩人
題鵲華列如嶂咫尺愁難躋迴船興已適開閣朋仍齊品食
集珍錯藏釀傾罍禮數容脫略談諧雜滑稽公飲如吸川
公才若割犀幸在廣廈庇不覺卑枝棲主稱夜未央客判醉
如泥起立視樓角星澹明蟾低披衣急告歸喔喔荒雞啼

將至登州道中作

北望滄溟眼界寬藍輿終日慙噴噴憑君莫道山行險仕路

如今一樣難

題顧孝廉蘇赤壁從遊圖

何人不作赤壁遊，獨有二賦傳千秋。七月十月歲兩至，好景能以奇文收。初縱一葦凌萬頃，後踞虎豹登龍蚪。至今想像猶在目，玉局本是神仙儔。東吳顧生有蘇癖，瓣香敬慕神通幽。丹青尺幅志嚮往，如其陟嶺同乘舟。江山風月取無盡，悟者何地非黃州。我權守登，即公治到官五日，尤相伴詩碑半蝕。祠宇圯，再拜公像，思前修逢萊高閣巋，然峙望古不見心悠悠。何當遣畫觀海市，與君此卷爭傳流。

丁大令

履端

扶此得詩寄書案和

補鳴已是失晨雞，偶逐閒雲傍海飛。何日其辭塵十丈馬肥

亦有生齋集詩卷二十

七

終不及鷗肥

蘇公祠

下馬瞻遺像，遐哉有所思。一官同似客，五日獨畱祠。泯沒松

雲蹟，模餽海市詩。低徊發深喟，椽棟孰支持。

祠中梁木已折

避風亭

坐聽濤聲湧，虛亭獨避風。因知造物巧，能敵大王雄。小艇遙

來集，纖塵不敢蒙。故應畱片石，長使鏡光融。

亭有鏡石可鑑人影

避風亭坐月

城中日猶高，海畔月先上。肩輿出北門，團團遙在望。虛亭不

受風，得月未肯讓。有客集遙夜，行厨傾宿釀。坐待碧天暝，獨

見瑤輪漾。飄眠恐難穩，鮫泣徒自悵。空濛涵六合，光怪出萬

狀矇矓小如葉杳杳破煙浪鷗鳥白於霜茫茫迷色相想非
人間世身入光明藏時方春融和氣忽秋沆碭不睹溟渤寬
安識寰宇曠蓬壺去人近欲往苦塵障舉杯對清影浩歌聊
一放

蓬萊閣觀日出歌

殘月西下天雞鳴餘霞盡捲海氣清此時旭景升東瀛咸池
浴後搏桑行欲出未出光先生丹轂微露臙脂明其體初類
瓶與罌上口半缺物可盛又若華蓋人孤擎盤有仙掌承金
莖或鼎一足相枝撐忽然斷續徐合并漸高形漸團圞成天
吳伏避蝸像驚觀者舌撝兩目瞠道人甲子四百更云未曙
此靈怪呈自隣浪蹟爲世輕天獨厚我何其榮笑凭高閣風
來迎安得破浪乘長鯨杯中看瀉水一泐敲日使作玻璃聲
泛舟渡海至彈子渦作

亦有生齋集詩卷干

三

丹崖一千丈峭壁何年削浪戰石成珠雲深洞疑鑰遵隄覓
荒怪觀海歎於廓是日氣融朗瀛波恬不作欣然縱一葦駕
言浮大壑豈知地迴軸但見天垂幕身世已兩忘心神了無
罣隨風向孤嶼舟近得小泊陟岡衣更振履險腳難著仰捫
星辰懸俛拾螺蜃錯須臾午潮上水石互噴薄鏗錡聲非常
碣礧勢都弱危同雞卵累動訝鬼手攫久坐待日斜歸舫趁
潮落誰歎職宏納曾不爽橐籥安期倘能覲願采不死藥仙
機在方寸妙道阻乘躋緩去而疾還倏抵蓬萊閣

豔紆那絨媿非才鴻雪浮蹤費往回只博傲人元相句謫居
猶得住蓬萊

晚春天氣釀深秋近海寒喧自不侔一夜風聲聽到曉開箱
重理舊征裘

訟庭寂寂蔭雙槐細雨濛濛濕綠苔爛似朝霞明似雪杏花
開過季花開

國色天香望竟賒郡齋有牡丹木放白櫻桃卻冠羣葩自慚不及河
陽令但看前人已種花

瓣香獨藝拜文忠五日之官境略同太息無人支一木自輪
清俸勸鳩工蘇公祠梁木已折當事無過而問者余捐俸倡修

峭絕丹崖早暮登月輪看上日看升雙丸只是尋常物別有
亦有生齋集詩卷二十

奇觀得未曾

仄徑崎嶇不厭攀仙人洞口白雲閒問它前後乘軒客曾否
攜筇到此間

破潮舴艋疾於梭泛海遙尋彈子渦檢得勻圓幾升石歸裝
笑比鬱林多

五百英靈何處依田橫遺寨是耶非漢高縱解牢籠衛難禁
人心死後歸

東來久有無魚歎近喜銀鱗入饌腴我若登州乞居住家雞
頓頓救中厨登有魚名家雞味類鮑俗號嘉鯽

木居士亦偶然題求福人來首便低解道白衣蒼狗幻隨風

雲影任東西

道東使院齋名近日署中堂名忽三句桑下浮屠亦夙因漫恨不曾觀

海市喜它政簡與民淳

張公子詞以詩見贈次韻答之

籍甚詞場三影名喜從邂逅慰平生摩燕曾展翩翩翼在浚

應煩子子旌風骨塵中誰與偶文章海內已相驚醉翁吳祭酒錫

顛弟子容齋洪太守客一輩才人盡締盟

銳走雷霆秀吸霞可容管蒯比絲麻畫眉樂羨張馮翊下榻

賢推鄧仲華時容鄧太守再警所盡醉且傾今日酒未歸空負故園花

洋洋新句眞盈耳一洗人間箏與瑟

萊州

清絕萊州路驅車費往還卻金風自古如薤草猶斑意感留

亦有生齋集詩卷下

十五

賓厚觀察太守皆畱飲緣憐濟勝慳勞人空草草無分到勞山

庫雅拉統軍陽春招飲次韻

牙門槐柳映麾旌特敝賓筵愜勝情不惜深杯傾永夜早看

涼月挂高城古人氣誼交初遂異域風光說亦驚席中談回部事甚悉

慚媿將軍容掛客肯從章句採浮名

博爾濟吉特撫部和觀麥東郊還泛大明湖集小滄浪

用東坡遷魚韻見示奉和一首

麥浪層層齊覆塊野農都無汗霑背平疇是處引碧幢薰風

自來吹緩帶行厨更載向明湖蒲筍作羹魚斫膾迴船不驚

鳧鴨散蕩槩徐看荇藻碎幾番雨過濕浮嵐百頃波平息鳴

瀨大文意象超物表靜者襟懷寄塵外少陵昔詠歷下亭此

日滄浪續高會年豐人樂卽蓬壺法藏漫誇歡喜海

博爾濟吉特撫部以濟南學宮磬音未調致書盧鳳觀察
得靈壁石磬二十四具用備雅樂作詩志盛卽次元韻

子雲草太元言律生於辰欲求八音諧條理維聲振邇宋靈
璧鎮實古泗水濱厥石產最良浮磬貢所珍我公虞廷夔審

樂能覈真聽非在鏗鏘曲使歸廉均遠致二千里數得四六

陳戛拊辨清濁堵肆增編璠公至百廢舉適遇宮牆新時修濟南

學移之置虛業聞者歎翁純爲鍾倡鳧氏作鼓先鞅人縣位

自此備崇聖兼禋神飾治貴經術格物資儒臣試采衢間謠
更有擊壤民

兗州道中

亦有生齋集詩卷二十

十六

天如憫行役塵暑特齊刪細灑連朝雨青排一路山人言爲
郡樂我畏稱名薹鄒魯風猶古之官覺汗顏

與舒位王曇孫原湘席元侃諸孝廉登少陵臺歸集寓齋

作

文書日遮眼人事苦雜投館舍僅容膝當暑尤隘湫旣幸展
良覲因之遂勝遊峩峩少陵臺實唯古南樓塔影近如接嶽
雲遠尙浮全城入憑眺殘碣俱研搜歸來興未已更作永夕
畱盤餐媿粗糲卮酒喜酢酬自我來沈郡形役心未休聊藉
得閒樂庶幾銷煩憂願言寫丹青并以紀詠謳

南樓今南城樓

舊蹟銷沉盡登臨剩此樓題詩誰不朽弔古我重遊齊魯遙

同眺鄉關近更愁趨庭猶未遂薄宦漫羈留

沈大令 則文 重遊泮宮詩

先生今年七十四綠髮方瞳氣猶銳人言松柏獨得天我道
神仙竟行地未冠卽作泮水遊當時爭羨終賈儔那知流光
等石火屈指忽已甲子週平生宦蹟殊堪數手種甘棠半齊
魯宣防績好著河渠撫字心勞修治譜一朝荷戈萬里行歸
來富貴脫屣輕對酒當歌尙無恙春花秋月倍多情有兒祿
養承甘旨何必優遊在田里我來恰喜頻過從拂塵每聽談
娓娓人間富貴皆浮雲五福莫如壽最尊君歸重向黌宮過
同學少年幾輩存

答周秀才 勳懋

亦有生齋集詩卷二

七

寒帷偶向泗河堧邂逅逢君聽述先飲到醇醪真有味聚來
浮沫豈無緣退風我已甘如鷓橫海人方羨作鱸佇待談經
慰岑寂足音應不廢蹉然

黃泥溝

江湖忽滿地雨後行潦蓄今來黃泥溝人馬俱沒腹輿夫七
八扶我輿屏氣惕息行趑趄公無渡河公竟渡忠信何違非
亨衢回顧輿夫顏汗泚或逸或勞乃如此平人之政行辟人
自問當官可能爾旣晴固好雨亦佳黍稷預卜盈篝車眼前
更有快心事蝻子大地爲魚鯁

宿孟博士宅 傳繼

今宵博士宅風月喜雙清荷藻一庭影波濤四面聲 庭中松竹極茂

暫欣塵慮遣早悟世緣輕忽憶三遷訓浮湛負此生

亞聖廟

道豈苟能亞功應禹竝垂首攻王曰利但學聖之時灑掃資

賢胄修崇媿有司

時方議葺殿宇

停車思弱冠卅載倏星移

乾隆乙酉初謁

廟於

飛蝗行和博爾濟吉特撫部

蝗生傅之翼有若羣不逞稽諸五行傳於喙為黑眚集每向

沮洳飛還入遼迴畏霑露灑灑喜撲火耿耿一朝自東北執

欲肆吞併頗為官民憂疑作吠畝梗未飽乃忽颺弗驅何所

騁或言德弭災聞者各首肯日來甘澤溥登場徧苞穎兒童

爭棄屣

鄉間多以敝屣為捕蝗之具

亞旅不置挺公誠格坊庸民氣恬盧

亦有生齋集詩卷二十

支

井大法斯小廉深汲賴修綆得非化魚鯁且已充庖鼎始知

潛移功詎藉苛政猛曾積公沙隄亦逝夷吾境昔賢彼何人

中夜發深省願公弗為瑞始喜而終警庶幾卜屢豐頌聲孚

海嶺

關里拜夫子廟堂遂謁孔林敬述

少日讀世家低回緬太史及長屢經沈欲遊阻尺咫茲來縮

郡符適屆上丁祀齋宿而後逞曲阜瞬在邇初仰宮牆高旋

見宗廟美聲容嫺禮樂陳設備俎簋壇杏久無存植檜亦頻

毀訪古皆周遺讀碑從漢始循覽既已竟興言詣孔里步出

城北門林墓生聳企異樹千章多靈著八稜起背泗面則洙

前孫左迺子廬因端木著亭以真宗紀至今尙族葬法良尤

可喜自我來東方蹤蹟堪傳指登岱小天下經海難爲水今
遊聖人鄉喟然歎觀止高山與景行希聖亦由士無聞逾五
十徒穀長內恥

忠恕堂觀聖像及歷代所傳器物

峩峩魯東家海內第一門今幸過其里登堂訪後昆首展聖
人像秋肅兼春溫一冠司寇冠巖巖氣象尊一爲行教圖襟
帶書魯論再拜乃諦視十指不敢捫次出先代藏袍冕古制
存中有笏尤著擊蛇血畱痕最後陳法物卣鬲豆甗樽重以
雲漢章臨幸禮備敦乾隆間內府頒周銅器十事並賜手書幸魯詩冊旣欣縣聖
澤願永承

國恩坐久結餘戀還轅已向昏

少皞陵

亦有生齋集詩卷二十

九

螺祖生民始金天立號隆建官曾紀鳥感瑞本流虹緒纘軒
臺遠都移曲阜崇德能基五帝封實啓元公此地還畱冢當
年孰抱弓樹看撐突兀有楷生陵中甚奇石訝壘穹窿

宸藻題常煥周垣創有功集猶疑赤燕守尙屬元熊草但三

時茂碑徒百尺礪

宋徽宗造巨碑值金亂不果立

神靈畱石室謬妄削璇宮

衆說家爲異明禪

國自恭雲陽竟何處躑躅魯城東

周公廟

王蹟周爲盛侯封魯可稱德純追不顯烈大佐丕承仁孝殊
羣子勲勞駕五丞從征持寶鉞禱疾納金滕俟命身方質流

言國已興斧斤心獨苦日月食非恆偶過民皆見多材自可
矜艱難念無逸反復戒其朋與召分雖鵠偕齊作股肱負依
成創典同穎應休徵禮樂褒崇異詩書著述宏文曾致歸馬
威不讓揚鷹報政三年緩移風一變能葬終還鎬畢治遠軼
邾滕顯爵加圭袞明禋備酌烝但教初葉配殿廷唯伯禽配享誰向
古臺登魯太廟在今城東北里許卽周公臺是也
宸翰常輝朗公靈寶式憑尼山傳統緒東野行雲仍有像猶
緘口何人不服膺我來懷吐握別覺感難勝

陋巷

陋巷今無恙崇坊兩字標地猶依學校樂可想簞瓢負郭遺
田杳移家世澤遙欲知同禹稷此意竟寥寥

亦有生齋集詩卷二十

三

野眺

黯黯秋山暮色昏西風吹雨送雙輪荒原入望忽如雪蕎麥
花開又一邨

雨宿張夏有感

停輿夜宿萬山前聽雨燒燈耿不眠閱世風波身早倦爲人
官職計堪憐鼠牙積習防畱獄蝻孽封章幸達

天

大府已將蝗旱入奏

莫惜衝泥待明發麥秋猶望補來年

浮雲

浮雲無定所旋起亦旋收忌器偏投鼠蹊田竟奪牛但知因
火熱誰作徒薪謀浩蕩江湖外忘機有白鷗

物論

物論憑成敗平心理自彰奚康終病傲戴聖忽疑賊有玷瑜
難掩無塵鏡自光如聞爨桐響切切感中郎

啓聖林

明德由來有達人明昌墓碣尙嶙峋抉門力已推如虎繫絃
祥先兆在麟鼎讀銘辭原有穀衢尋殞處可知貧顯揚立極
如尼父也是當年孤露身

過泗水郭大令綬光招同年鄒縣令任助同遊泉林得十

六韻

維泗發有源實與洙爲儔牽合陪尾山何異風馬牛吾聞泉
林泉下濟萬斛舟當年

離宮建

亦有生齋集詩卷二十

三

翠葆巡行周我來值新霽日出景轉幽主人眷夙約邀客成
良遊樹皆百歲古竹亦千竿修因之徧臨眺不惜窮研搜靜
或噴珠璣怒則奔龍蚪飛如急雪下散若輕雲浮偶然琴筑
奏遠過箏琶稠虛堂一以聽塵慮喜頓收相傳在川上聖蹟
於焉畱逝者尙如斯不知幾春秋我憐聞道晚空恃濟勝優
何當濯塵纓歸卜故水邱

附和韻

郭綬光

我公西垣望循吏罕與儔琴鶴乃家風莅政無全牛永
嘉謝公展赤壁蘇子舟作郡古風流登覽畱題周泉林
舊招提竹木饒清幽皇皇

駐蹕地省方重

宸遊邇來望

幸切輦路久不修蓬山隔塵世未許逐研搜偶隨使者

節古木攀龍虬

泉林行宮門鑰為嵯使收貯每歲唯巡漕使者至始一開門

只今陪

五馬逸興連雲浮水清錦石欄雨霽綠蔭稠溪聲喧逾

靜嵐氣淡欲收悠然在川上言歸復遲畱澄心觀萬化

閒情寄三秋境寂覺塵遠官暇知政優讀公紀遊篇鴻

文照巖邱

九月八日登少陵臺

驚心節物近題糕策凌風興自豪未必百年常得暇且先
九日試登高杜陵詩好空殘碣魯國城荒半野蒿已倦輪蹄
疲案牘聊憑縱眺一償勞

亦有生齋集詩卷二十

三

東魯書院之南爲少陵祠門常洞開客至堂中則與像相
對爲築一牆使有所蔽焉

杜陵遺像衣冠肅魯國諸生坐起難隔得一垣教兩美草堂
安卽講堂堂安

郡齋雜興

五月至東郡六月蝗蝻萌不辭暘暑觸日作阡陌行又聞荏
苒澤覺借刈麥生單騎往察之未動色與聲幸而弭近患乃
始興遙情洙泗講堂廢鄒魯古蹟傾慨然念修舉力弱徒忤
忤

初來假民居僅足容棲止案牘紛以陳賓僚謁未已雜沓一
室中流汗浹踵趾七夕移郡齋清涼差可喜茂林蔭窗牖嘉

弄被庭屐冠蓋忽殉午吐握每三起既復苦送迎焉能近文字求安本所戒官亦傳舍耳

沈實南北衝過者輒一面廣廈苾誠佳乘輿濟難徧雖供童僕飽詎免親朋怨試誦香山詩又嗟風氣變人皆慕進取吾寔失之狷人皆笑寬柔吾敢流於下處劇才非宜投閒性尤便回首望蓬萊魂夢有餘戀

任城六首

任城多勝蹟首舉是南池許簿亦何幸傳因杜拾遺

亂蟬已無聲枯楊不能舞人隨秋其老樹與橋俱古

南池有樹生石

檣罇中甚奇

十載夢名泉一年忽重到不見同遊人酒壚埋夕照

王子秋同司馬

亦有生齋集詩卷二十

三

黃易遊浣筆泉今黃已沒

題詩滿苔壁誰繼李青蓮別有關心處摩挲紫石篇

謂左忠貞詩碣

薄暮上城樓樓高挹空翠但有老兵迎難尋狂客醉

賀監何曾至傳聞孰訂非

太白樓在濟寧東南城樓上相傳賀知章令在城時鷗白於此按史

白客在城與孔巢父輩居徂徠山日沈飲號竹溪六逸樓當是其遺蹟知章無令在城事也

可憐夜郎謫

不及鑑湖歸

別沅州作

揮鞭又別少陵臺落日西風首重迴未遂身閒應是命不求

名赫本無才迢迢客夢家千里戀戀民情酒一杯

有貧民避道獻酒者

贏得向人誇宦轍九州已歷二州來

十月十一日登岱紀事

孟冬月稱良初調應鍾律道從岱麓經意恐名山失回遡前
度來壬寅至壬戌塗仗老馬知遊堪舊章率欲覽世界千先
入天門一乍驚開誅蕩漸喜凌嶒崒呂公詩無存高老事已
軼巖瀑遙垂紳松陰密比櫛樹傳秦官號坪駐宋帝蹕飛泉
濺珠玉清響亂竿瑟濟勝身倍輕賈勇心宵怵不知尻過背
但苦首近膝環道歷盤紆鐵絙資挽粹疑煩巨靈鑿慮被一
夫室表因無字顯功競磨崖述絕頂尤大觀太平協元吉帝
座呼吸通下方憑眺悉舉世紛雜盡微躬藐蟻蝨立久益蒼
茫氣寒殊凜凜空沾觸石雲難待扶桑日維岱嶽之長曰生
仁爲質稽古緬有虞時巡隆望秩元君昉何代民祀更專壹
香幣禱春秋金碧輝宮室鬼神亦任運顯晦誠難詰卓哉望

亦有生齋集詩卷二

五

吳峯至聖誰與匹感茲重脚躅欲去愁摧躅皓魄忽東升長
庚復西出如聞虎氣腥恍聽蟲聲啣夜景駭幽奇歸路忘促
疾我生困風塵未解餐芝朮封禪本乏書學仙又乖術獨有
登臨豪翻覺筋骸逸東方重三大狹歲周流畢性非慕簪組
此幸勝蓬葦燒燈聊紀遊酌酒補操筆

月夜觀趵突泉

自遊趵突泉卜晝未卜夜茲來西郊宿甫喜征鞍卸言尋鶴
觀投正值蟾光射紛如冶金躍清奪壺冰瀉乍對叫奇絕澄
觀更深詫頓令萬緣屏安得一椽借趺坐獨臨流天風颯然

下

送鍾判官

鳳騰
出塞

我從去年來，歷下得交子。期我心寫大府，爭誇斷獄才。同官亦附知音雅，一朝遠謫去天西。蕭蕭匹馬迎寒嘶，到日剛逢春信轉。莫愁積雪關山迷，升沉偶爾何足喟。獨怪離顏太憔悴，懸知君別有深情難制思。親幾行淚瀕行勸，保千金軀故鄉漸遠風景殊。蓴鱸猶是意中事，第一歸來慰倚闥。

莫少宗伯

瞻榮

寄題瑯琊秋色卷并以權知兗州寄詩爲

賀率賦二詩志謝

涼風晨起泗河濱，吹墮明珠顆顆新。九點齊煙都入望，一篇秋色妙傳神。詩追白傅無凡格，酒品青州有夙因。天上故交原不少，幾人猶肯念趨塵。

歷盡卿班意益恭，每因軍國奏從容。山川漫詡東方大。

子三月泛

亦有生齋集詩卷二十

五

海八月謁孔林十月登岱一歲之中盡歷東方三大雨露欣看

北闕濃我媿，論文向鄒魯。公眞接武到夔龍，雲行本是崇朝。徧起合由來，始岱宗。

喜雪

沅州夏捕蝗，青州冬禱雪。上以滋麥苗，下以消蝻孽。我來自沉月，旣涂登萊有雪瑯琊無。方臘愆陽乖，氣侯官則獲咎。民何辜，是時太守滯歷下，急禁屠沽走壇社。步禱三日周羣神，神呪居然普霑灑。初看騰霧化作雨，旋見空中瑞花舞。碎米眞疑降自天，亂瓊直欲多於土。捲簾正對城西山，爛醉不放酒盞閒。豐年已向三白兆，官民一旦齊開顏。朝來有客款門賀，謂我誠求相附和。微天幸敢貪天功，古今成事將母同。

和姚大令

龍光

守歲作

故園久別老煙蘿殘臘青州又再過家慶君能扶杖健鄉心
我爲望雲多爐灰撥盡宵猶永砌雪消殘氣漸和一事可同
稱酒賀近聞楚蜀奏鏡歌

子 戩

姪學彭

校字

09107

亦有生齋集詩卷第二

亦有生齋集詩卷二

三

